

IMRAM Féile Litríochta Gaeilge CTR

Polasáí Coinbhleachta Leasa

9 Lúnasa 2022

1. Cuspóir

Is é cuspóir an bheartais seo cabhrú le hiontaobhaithe IMRAM aon choinbhleachtaí leasa a shainiú, a thairgeadh agus a bhainistiú go héifeachtach chun ionracas an cumann a chosaint agus chun a chinntiú go ngníomhóidh na hiontaobhaithe carthanais le barr leasa a gcarthanais. Is iad baill Bord an chuideachta na hiontaobhaithe.

2. Aidhm

Is é aidhm an Bord a chinntiú go mbeidh na hiontaobhaithe carthanais ar an eolas faoi na hoibleagáidí atá orthu aon choinbhleachtaí leasa atá acu a nochtadh agus an beartas seo a chomhlíonadh chun a chinntiú go ndéanfaidh siad bainistiú éifeachtach ar na coinbhleachtaí leasa sin mar bhaill den Bhord.

3. Raon feidhme

Tá feidhm ag an mbeartas seo maidir le hiontaobhaithe IMRAM sé sin baill an Bord agus baill aon Fochoiste.

4. Sainmhíniú ar choinbhleacht leasa

Is é is coinbhleacht leasa ann aon chás ina bhféadfadh leasanna pearsanta nó dílseacht phearsanta aon iontaobhaí carthanais cosc a chur ar an iontaobhaí cinneadh a dhéanamh le barr leasa an charthanais nó aon chás ina bhféadfaí a mheas go gcuireann na leasanna nó an dílseacht sin cosc ar an iontaobhaí cinneadh a dhéanamh le barr leasa an charthanais. D'fhéadfadh an leas pearsanta sin bheith díreach nó indíreach agus is féidir duine atá bainteach leis an iontaobhaí carthanais a bheith i gceist leis.

Is é a ghabhann leis na cásanna sin an baol go ndéanfaidh duine cinneadh atá bunaithe ar na cineálacha tionchair sin, seachas le barr leasa an charthanais, agus ní mór iad a bhainistiú dá réir sin.

5. Beartas

Cuireadh an beartas seo le chéile mar go dtagann coinbhleachtaí leasa chun cinn go minic agus nach gá go gcruthóidh siad fadhb don charthanas má bhainistítear ar bhealach éifeachtach oscailte iad. Tá sé mar bheartas ag IMRAM agus tá sé mar fhreagracht ar na hiontaobhaithe carthanais, go seachnófaí coinbhleachtaí leasa atá

de chineál eitice, dlí, airgeadais nó eile agus nach mbeadh aon choinbhleachtaí den sórt sin (i gcás go dtagann siad chun cinn) ag teacht salach ar na hoibleagáidí atá ar na hiontaobhaithe i leith IMRAM

Bainisteoidh IMRAM coinbhleachtaí leasa trí cheangal a chur ar na hiontaobhaithe carthanais na nithe seo a leanas a dhéanamh:

- coinbhleachtaí leasa a sheachaint nuair is féidir
- aon choinbhleachtaí leasa a shainaithint agus a thaifeadh
- aon choinbhleachtaí leasa a bhainistiú go cúramach, agus
- cloí leis an mbeartas seo agus freagairt d'aon sárúithe air.

6. Freagracht

Tá an Bord freagrach as na nithe seo a leanas:

- córas a bhunú le haghaidh coinbhleachtaí leasa a shainaithint, a nochtadh agus a bhainistiú ar fud an charthanais;
- faireachán a dhéanamh ar chomhlíonadh an bheartais seo; agus
- an beartas seo a athbhreithniú ar bhonn bliantúil chun a chinntiú go mbíonn ag éirí leis an mbeartas.

Ba cheart do na hiontaobhaithe carthanais a chinntiú go bhfuil siad ar an eolas faoi na hoibleagáidí dlíthiúla atá orthu maidir lena gcarthanas a bhainistiú agus a rialú.

Chun tuilleadh faisnéise a fháil faoi na hoibleagáidí sin, féach an 'Treoir d'Iontaobhaithe Carthanais', atá ar fáil ar shuíomh Gréasáin an Rialálaí Carthanas ag www.charitiesregulator.ie

7. Coinbhleachtaí leasa a shainaithint agus a nochtadh

A luaithe a shainaithnítear coinbhleacht leasa iarbhír, coinbhleacht leasa fhéideartha nó coinbhleacht leasa a bhraitear a bheith ann, ní mór an choinbhleacht sin a iontráil i gclár leasanna IMRAM agus ní mór an Bord a chur ar an eolas fúithi. Ní mór don Rúnaí an clár leasanna a chothabháil agus ní mór don duine sin taifead a dhéanamh ar an bhfaisnéis ar fad a bhaineann le coinbhleacht leasa (lena n-áirítear cineál agus méid na coinbhleachta leasa agus aon bhearta a rinneadh chun aghaidh a thabhairt uirthi).

8. Rúndacht an nocht leasanna

Is don Chathaoirleach cinneadh a dhéanadh an leor go bhfuil coinbhleacht leasa féin á nochtadh ag ball don Bhord, nó an gá don Bhord bheith ar an eolas i dtaobh cás an choinbhleacht agus más gá go faoi rún a nochtfar sin do bhaill an Bord.

9. An gníomh a theastaíonn le haghaidh coinbhleachtaí leasa a bhainistiú

A luaithe a nochtar an choinbhleacht leasa go cuí, ní mór don Bhord (seachas an t-iontaobhaí carthanais a rinne an nochtadh agus aon duine eile lena mbaineann an choinbhleacht) a chinneadh cé acu ba cheart nó nár cheart d'iontaobhaí carthanais a bhfuil coibhleacht aige/aici na nithe seo a leanas a dhéanamh:

- vóta a chaitheamh ar an ní,
- páirt a ghlacadh in aon díospóireacht, nó
- bheith i láthair sa seomra le linn na díospóireachta agus na vótála.

In imthosca eisceachtúla, amhail i gcás gur coibhleacht an-suntasach í an choinbhleacht leasa atá i gceist nó gur dóigh go gcuirfeadh an choinbhleacht leasa cosc ar iontaobhaí carthanais páirt rialta a ghlacadh i ndíospóireachtaí, d'fhéadfadh gurbh fhiú don Bhord iontaobhaithe carthanais breithniú a dhéanamh ar cé acu is ceart nó nach ceart don duine a bhfuil an choinbhleacht ábhartha aige/aici éirí as an mBord.

10. Na nithe ba cheart a chur san áireamh agus cinneadh á dhéanamh ar an gcineál gnímh a dhéanfar

Agus cinneadh á dhéanamh aige ar an gcur chuige a ghlacfar, déanfaidh an Bord breithniú ar na nithe seo a leanas: cé acu is gá an choinbhleacht a sheachaint nó í a thaifeadadh amháin

- cé acu is dóigh nó nach dóigh go gcuirfidh an choinbhleacht as don chumas atá ag an duine a rinne an nochtadh páirt neamhchlaon a ghlacadh sa chinnteoireacht
- bealaí eile inar féidir an choinbhleacht a sheachaint
- cuspóirí agus acmhainní an charthanais, agus
- an fhéidearthacht go gcuirfí an chuma ar an scéal go bhfuil iompar míchuí ann, rud a d'fhéadfadh cur as don mhuintín as an gcarthanas agus don cháil atá air.

Sula bhféadfar aon ghníomh a dhéanamh, beidh sé riachtanach ceadú a fháil ó thromlach an Bord ar a laghad (seachas aon bhall a bhfuil coibhleacht aige/aici) atá i láthair agus ag vótáil (más infheidhme) ag an gcruinniú. Déanfar na sonraí uile faoin gcoibhleacht leasa, lena n-áirítear an gníomh a dhéanfar ina leith, a thaifeadadh i miontuairiscí an chruinnithe.

11. Comhlíonadh an bheartais seo

Má tá cúis ag an mBord lena chreidiúint gur mhainnigh duine atá faoi réir an bheartais seo an beartas a chomhlíonadh, déanfaidh sé imscrúdú ar na himthosca lena mbaineann.

Má chinntear gur mhainnigh an duine coibhleacht leasa a nochtadh, féadfaidh an Bord gníomh a dhéanamh in aghaidh an duine sin. I measc nithe eile, féadfar iarraidh

ar an duine éirí as an mBord nó aon fohoiste nó is féidir rún a rith ag cruinniú den Chuideachta á scor ó IMRAM.

Má tá duine in amhras gur mhainnigh baill don Bhord coinbhleacht leasa a nochtadh, ní mór dó/di sin a ardú ar dtús leis an mball féin agus mura bhfuil sásaimh ansin leis an gCathaoirleach nó an Rúnaí.

12. Fochoistí

Cinntear go bhfuil dualgas macasamhail i leith coinbhleachta leasa ar gach ball de aon fhochoiste den Bhord agus go mbeidh treoracha cuí leagtha amach i dtéarmaí tagartha do gach fochoiste.

13. Fostaithe

Cinntear go mbeadh dualgas i leith coinbhleachta leasa i ngach Conradh fostaíochta le HIMRAM le treoracha cuí.

14. Teagmháil

I gcás aon cheisteanna faoin mbeartas seo, déan teagmháil le Cathaoirleach nó Rúnaí an IMRAM ag cathalporteir@gmail.com nó liam@antoireachtas.ie.